
This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books


<https://books.google.com>



This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books

<https://books.google.com>



9087

3374

WALTHARIUS

POEMA SAECULI DECIMI.



F

6

~~851~~

~~A26~~

9087

F6



WALTHARIUS

POEMA SAECULI DECIMI EX RECENSIONE

COD. B. B. BRUXELLENSIS


SECUNDUM EDITIONEM EQUITIS L. G. PROVANA, SENATORIS
REGNI SARDINIAE, AUGUSTAE TAURINORUM

(MDCCCLVIII)

REPETENDUM CURAVIT
J. F. NEIGEBUR.



MONACHII, G. FRANZIUS.
(MDCCCLIII.)



J. F. NEIGÉBAUR

Lectori benevolo S.

*Vir summae conditionis, Eques Provana, Regni Sardiniae Senator, **Valtharium** ex codice Bruzellensi primum Augustae Taurinorum edidit. Cum hoc opus citra montes Alpium rarius obveniat, ejus repetitionem, Manuscripto Bruzellensi denuo comparato, curavi.*

Dabam Vratislaviae Idibus Decembris. MDCCCLIII.



THE
HISTORY OF
THE
CITY OF
NEW-YORK

FROM THE
FIRST SETTLEMENT
TO THE PRESENT
TIME
BY
JACOB LEVINSKY
OF THE
CITY OF NEW-YORK
PUBLISHED BY
J. LEVINSKY
AT THE
PRINTING OFFICE OF
J. LEVINSKY
NO. 10 NASSAU ST. N.Y.



INCIPIT POESIS
GERALDI DE GVALTARIO.

- Omnipotens genitor, summae uirtutis amator,
Iure pari natusque amborum spiritus almus,
Personis trinus, uera deitate sed unus,
Qui uita uiuens cuncta et sine fine tenebis,
5 Pontificem summum tu salua nunc et in aeuum,
Claro erchamboldum fulgentem nomine dignum,
Crescat ut interius sancto spiramine plenus,
Multis infictum quo sit medicamen in aeuum.
Praesul sancte dei nunc accipe munera serui,
10 Quae tibi decreuit de larga promere cura
Peccator fragilis geraldus nomine uilis
Qui tibi nam certus corde estque fidelis alumnus,
Quod precibus dominum iugiter precor omnitonantem
Ut nanciscaris factis quae promo loquelis,
15 Det pater ex summis caelum terramque gubernans.
Serue dei summi ne despice uerba libelli,
Non canit alma dei, resonat sed mira tyronis
Nomine uualtharii per proelia multa resecti.
Ludendum magis est, dominum quam sit regitandum,
20 Perlectus longeuī stringit in ampla diei.
Sis felix sanctus per tempora plura sacerdos,
Sit tibi mente tua geraldus carus adelphus.
-

- Tertia pars orbis fratres europa uocatur.
 Moribus ac linguis uarias et nomine gentes,
 25 Distinguens cultu, tum relligione sequestrans.
 Inter quas gens pannonie residere probatur,
 Quam tamen et hunos plerumque uocare solemus.
 Hic populus fortis uirtute uigebat et armis,
 Non circumpositas solum domitans regiones,
 30 Litoris oceani sed pertransiuerat oras;
 Foedera supplicibus donans, sternensque rebelles,
 Vltra millenos fertur dominarier annos.
 Attila rex quodam tulit illud tempore regnum,
 Impiger antiquos sibimet renouare triumphos.
 35 Qui sua castra mouens mandauit uisere francos,
 Quorum rex gibico solio pollebat in alto
 Prole recens orta gaudens, quam postea narro.
 Namque marem genuit quem guntharium uocitauit.
 Fama uolans passim regis transuerberat aures,
 40 Dicens hostilem cuneum transire per hystrum,
 Uincentem numero stellas, atque amnis harenas.
 Qui non confidens armis uel robore plebis,
 Concilium cogit, quae sint facienda requirit.
 Consensere omnes foedus debere precari,
 45 Et dextras si forte darent coniungere dextris,
 Obsidibusque datis censum persoluere iustum.
 Hoc melius fore quam uitam simul ac regionem
 Perdiderint, natosque suos pariterque maritas.
 Nobilis hoc hagano fuerat sub tempore tyro,
 50 Indolis egregiae ueniens de germine troiae.
 Hunc quia guntharius nondum peruenit ad aeuum,
 Vt sine matre queat uitam retinere tenellam,
 Cum gaza ingenti decernunt mittere regi.
 Nec mora; legati censum iuuenemque ferentes
 55 Deueniunt, pacemque rogant ac foedera firmant.

Tempore quo ualidis steterat burgundia sceptris;
 Cuius primatum henricus forte gerebat,
 Filia huic tantum fuit unica nomine hircund,
 Nobilitate quidem pollens ac stemmate formae.

- 60 Debit hec heres aula residere paterna,
 Atque diu congesta frui si forte liceret.

Namque auares firma cum francis pace peracta
 Suspendunt a fine quidem regionis eorum.

Attila sed celeres mox huc despectit habenas,

- 65 Nec tardant reliqui satrapae uestigia adire.
 Ibant aequati numero sed et agmine longo;
 Quadrupedum cursu tellus concussa gemebat,
 Scutorum sonitu pauidus super intonat aether.
 Ferrea silua micat totos rutilando per agros,

- 70 Haud aliter primo quam pulsans aequora mane:
 Pulcher in extremis renitet sol partibus orbis.
 Iamque ararim rodanumque amnes transiuerat altos,
 Atque ad praedandum cuneus dispergitur omnis.

Forte cabillonis sedit henricus; et ecce

- 75 Adtollens oculos speculator uociferatur:
 Quanam condense consurgit puluere nubes?
 Vis inimica uenit, portas iam claudite cunctas.
 Iam tum quid franci fecissent ipse sciebat
 Princeps, et cunctos compellat sic seniores:
 80 Si gens tam fortis cui nos simulare nequimus
 Cessit pannoniae, qua nos uirtute putatis
 Huic conferre manum, et patriam defendere dulcem?
 Est satius pactum faciant censumque capessant.
 Vnica nata mihi quam tradere pro regione
 85 Non dubito: tantum pergant qui foedera firment.
 Ibant legati totis gladiis spoliati:
 Hostibus insinuant quid regis iussio mandat;
 Vt cessent uastare rogant; quos attila ductor,

Vt solitus fuerat blande suscepit, et inquit:

90 Foedera plus cupio quam praelia mittere vulgo.

Pace quidem hui malunt regnare, sed armis

Inuiti feriant quos cernunt esse rebelles.

Rex ad nos ueniens det dextras atque resumat.

Exiuit princeps asportans innumeratos

95 Thesaurus, pactumque ferit natamque reliquit:

Pergit in exilium pulcherrima gemma parentum.

Postquam complevit pactum, statuitque tributum,

Attila in occiduas promouerat agmina partas.

Namque in aquitanorum tum alphere regna tenebat,

100 Quem sobolem sexus narrant habuisse uirilis,

Nomine uualtharium primeuo flore nitentem.

Nam iusiurandum henricus et alphere reges

Inter se dederant, pueros quod consotiantur,

Cum primum tempus nubendi uenerit illis.

105 Hic ubi cognouit gentes has esse domatas,

Ceperat ingenti cordis trepidare tumultu.

Nec iam spes fuerat saeuis defendier armis.

Quid cessamus ait, si bella mouere nequimus?

Exemplum nobis burgundia, francia praebent.

110 Non incusamur si talibus aequiperamur.

Legatos mitto, foedusque ferire iubebo,

Obsidis inque uicem dilectum porrigo natum,

Et iam nunc huius censum persoluo futurum.

Sed quid plus remorer? dictum compleuerat actis.

115 Tunc auares gazis onerati denique multis,

Obsidibus sumptis haganone hilgunde puella,

Nec non uualthario, redierunt pectore laeto.

Attila panthonias ingressus et urbe receptus,

Exulibus pueris magnam exhibuit pietatem,

120 Ac ueluti proprios nutrire iubebat alumnos,

Virginis et curam reginam mandat habere.

- Ast adolescentes propriis conspectibus ambos
Semper adesse iubet, sed et artibus imbuit illos,
Praesertimque iocis belli sub tempore habendis.
- 125 Qui simul ingenio crescentes mentis et aeuo,
Robora uincebant fortes, animoque sophistas,
Donec iam cunctos superarent fortiter hunos.
Militiae primos tunc attila fecerat illos,
Sed haud immerito, quoniam si quando moueret
- 130 Bella per insignes isti micuere triumphos.
Idcircoque nimis princeps dilexerat ambos.
Virgo etiam captiua, deo prestante supremo,
Reginae uultum placauit, et auxit amorem,
Moribus eximiis operumque industria habundans.
- 135 Postremum custos thesauris prouida cunctis
Efficitur, modicumque deest quin regnet et ipsa;
Nam quicquid uoluit de rebus fecit et actis.
Interea gibico defungitur ipseque regno
Guntharius successit, et illico pannonicorum
- 140 Foedera dissoluit, censumque subire negauit.
Hoc ubi iam primum haganon cognouerat exul,
Nocte fugam molitur, et ad dominum properatur.
Vualtharius tamen ad pugnas praecesserat hunos,
Et quocumque iret mox prospera sunt comitata.
- 145 Ospirin elapsum haganonem regia coniunx
Adtendens, domino suggestit talia fando:
Prouideat caueatque precor sollertia regis,
Ne uestri imperii labatur forte columna,
Hoc est uultharius uester discedat amicus,
- 150 In quo magna potestatis uis extitit huius,
Nam uereor ne fors fugiens haganonem imitetur.
Idcircoque meam perpendite nunc rationem,
Cum primum ueniat haec illi dicite uerba:
Seruitio in nostro magnos plerumque labores

- 155 Passus eras, ideoque scias quod gratia nostra
 Prae cunctis temet nimium dilexit amicis,
 Quod volo plus factis plus quam cognoscere dictis.
 Elige de satrapis nuptam tibi pannoniarvm;
 Et non pauperiem propriam perpendere cures.
- 160 Amplificabo quidem ualde te rure domique,
 Nec quisquam qui dat sponsam post facta pudebit.
 Quod si completis, illum stabilire potestis:
 Complacuit sermo regi, cepitque parari.
 Uualtharius uenit, cui princeps talia pandit,
- 165 Uxorem suadens sibi ducere: sed tamen idem,
 Iam tum praemeditans quod post impleuerat actis,
 His instigandis suggestibus obuius infit:
 Vestra quidem pietas est quod modici famulatus
 Causam conspicitis, sed quod mea segnia mentis
- 170 Intuitu fertis, numquam meruisse ualerem.
 Sed precor ut serui capiatu uerba fidelis;
 Si nuptam accipiam domini praecepta secundum,
 Vinciar in primis curis et amore puellae,
 Atque a seruitio regis plerumque retardor.
- 175 Aedificare domos, cultumque intendere ruris
 Cogor, et hoc oculis senioris adesse moratus,
 Et solitam regno hunorum impendere curam.
 Namque uoluptatem quisquis gustauerit, exin
 Intolerabilius consueuit ferre labores.
- 180 Nil tam dulce mihi quam semper inesse fidelis
 Obsequio domini: quare precor absque iugali
 Me uinclo permittite meam iam ducere uitam.
 Si sero aut medio noctis mihi tempore mandas,
 Ad quaecumque iubes, securus et ibo paratus.
- 185 Imbellis nullae persuadent cedere curae,
 Nec nati aut coniunx retrahentque fugamue mouebunt.
 Testor per propriam temet pater optime uitam,

- Atque per inuictam nunc gentem pannoniarum,
 Ut non ulterius me cogas sumere tedas.
- 190 His precibus uictus, suasus rex deserit omnes,
 Sperans uualtharium fugiendo recedere numquam.
 Venerat interea satrapae certissima fama,
 Quandam quae nuper superata resistere gentem,
 Ac bellum hunis confestim inferre paratam.
- 195 Tunc ad uualtharium conuertitur actio rerum.
 Cui mox militiam percensuit ordine totam,
 Et bellatorum confortat corda suorum,
 Hortans praeteritos semper memorare triumphos,
 Promittensque istos solita uirtute tyrannos
- 200 Sternere, et externis terrorem imponere terris;
 Nec mora consurgit, sequiturque exercitus omnis.
 Ecce locum pugnae conspexerat, et numeratam
 Per latos aciem campos digessit et agros.
 Iamque infra iactum teli congressus uterque
- 205 Constiterat cuneus: tunc undique clamor ad auras
 Tollitur, horrendam confundunt classica uocem,
 Continuoquae hastae uolitant hinc undique densae,
 Fraxinus et cornus ludum miscebat in unum,
 Fulminis inque modum cuspis uibrata micabat.
- 210 Ac ueluti boreae sub tempore nix glomerata
 Spargitur, haud aliter saeuas iecere sagittas.
 Postremo cunctis utroque ex agmine pilis
 Absumptis, manus ad mucronem uertitur omnis.
 Fulmineos promunt enses, clipeosque reuoluunt.
- 215 Concurrunt acies demum, pugnamque restaurant.
 Pectoribus partim rumpuntur pectora equorum,
 Sternitur et quaedam pars duro umbone uirorum.
 Uualtharius tamen in medio furit agmine bello,
 Obuia quaeque metens armis ac limite pergens.
- 220 Hunc ubi conspitiunt hostes tantas dare strages,

- Ac si praesentem metuebant cernere mortem,
 Et quemcumque locum seu dextram siue sinistram
 Vualtharius peteret cuncti mox terga dederunt,
 Et uersis scutis laxisque feruntur habenis.
- 225 Tunc imitata ducem gens maxima pannoniarum
 Saeuior insurgit, cedemque audacior audet:
 Deicit obstantes, fugientes proterit usque
 Dum caperet plenum belli sub sorte triumphum.
 Tum super occisos ruit et spoliauerat omnes,
- 230 Et tandem ductor recauo uocat agmina cornu.
 Ac primus frontem festa cum fronde reuinxit,
 Victrici lauro cingens sua tempora uulgo;
 Post hunc signiferi, sequitur quos caetera pubes.
 Iamque triumphali redierunt stemmate compti,
- 235 Et patriam ingressi propria se quisque locauit
 Sede, sed ad solium mox uualtharius properauit.
 Ecce paulatim decurrunt arce ministri,
 Illius aspectu hilares, equitemque tenebant
 Donec uir sella descenderet inclitus alta.
- 240 Si bene res uergant tum demum forte requirunt.
 Ille aliquid narrans modicum intrauerat aulam;
 Lassus enim fuerat, regisque cubile petebat.
 Illic hilgundem solam offendit residentem;
 Qui post amplexus atque oscula dulcia, dixit:
- 245 Ocius huc potum ferto, quia fessus anhelō.
 Illa mero tallum compleuit mox pretiosum,
 Porrexitque uiro, qui signans accipiebat,
 Virgineamque manum propria constrinxit, at illa
 Astitit, et uultum reticens intendit herilem,
- 250 Vualthariusque bibens uacuum uas reddidit olli,
 Ambo etenim norant de se sponsalia facta.
 Prouocat et tali caram sermone puellam:
 Exilium pariter patimur iam tempore tanto,

- Non ignorantes quid nostri forte parentes
 255 Inter se nostra de re fecere futura,
 Quam ne diu tacito premimur haec ipsa palato.
 Virgo per hyroniam meditans hoc dicere sponsum,
 Paulum conticuit, sed postea talia reddit:
 Quid lingua simulas, quod ab imo pectore dampnas,
 260 Oreque persuades toto quod corde refutas,
 Sit ueluti talem pudor ingens ducere nuptam!
 Vir sapiens contra respondit et intulit ista:
 Absit quod memoras, dextrorsum porrige sensum;
 Noris me nihilum simulata mente locutum,
 265 Nec quicquam nebulae uel falsi interfore crede.
 Nullus adest nobis exceptis namque duobus.
 Sic nossem temet mihi promptam impendere mentem,
 Atque fidem uotis seruare per omnia cautis,
 Pandere cuncta tibi cordis mysteria uellem.
 270 Tandem uirgo uiri genibus curuata profatur:
 Ad quaecumque uocas mi domne sequar studiose,
 Nec quicquam placitis malim praeponere iussis.
 Ille dehinc: piget exilii me denique nostri,
 Et patriae fines reminiscor saepe relictos:
 275 Idcircoque fugam cupio celerare latentem;
 Quod iam premultis potuissem forte diebus,
 Si non hilgundem solam remanere dolerem.
 Addidit his imo uirguncula corde loquelas:
 Uestrum uelle meum: solis his aestuo rebus.
 280 Praecipiat dominus seu dextera siue sinistra,
 Eius amore pati toto sum pectore presto.
 Vualtharius tandem sic uirginis inquit in aurem:
 Publica custodem rebus te nempe potestas
 Fecerat, idcirco memor haec mea uerba notato:
 285 Inprimis galeam regis tunicamque trilecem
 Assero, loricam, fabrorum insigne ferentem

- Diripe: bina dehinc mediocria scrinia tolle.
 His armillarum tantum da pannonicarum,
 Donec uix unum releues ad pectoris imum.
- 290 Inde quater binum mihi fac de more coturnum,
 Tantundemque tibi patrans imponito: uasis
 Sic fors ad summum complentur scrinia labrum.
 Insuper a fabris hamos clam posce retortos.
 Nostra uiatica sint pisces simul atque uolucres:
- 295 Ipse ego piscator, sed et auceps esse coartor.
 Haec intra ebdomadam caute per singula comple.
 Audisti quod habere uianti forte necesse est:
 Nunc quo more fugam ualeamus inire recludo.
 Postquam septenos phoebus remeauerit orbes;
- 300 Regi ac reginae, satrapis, ducibus, famulisque,
 Sumptu permagno, conuiuia laeta parabo,
 Atque omni ingenio potu sepelire studebo,
 Donec nullus erit qui sentiat hoc quod agendum est.
 Tu tamen interea mediocriter utere uino,
- 305 Atque sitim uix ad mensam restringere cura;
 Cum reliqui surgant ad opuscula nota recurre.
 Ast ubi iam cunctos superat uiolentia potus,
 Tum simul occiduas properemus quaerere partes.
 Virgo memor praecepta uiri compleuit, et ecce
- 310 Praefinita dies epularum uenit, et ipse
 Vualtharius magnis instruxit sumptibus escas;
 Luxurians media residebat denique mensa.
 Ingrediturque aulam uelis rex undique septam,
 Heros magnanimus solito quem more salutans,
- 315 Duxerat ad solium quod bissus compsit et ostrum.
 Consedit, laterique duces hinc indeque binos
 Assedissee iubet: reliquos locat ipse minister.
 Centenos simul accubitus iniere sodales,
 Diuersasque dapes libans conuiuia resudat.

- 320 His et sublati aliae referuntur edendae,
 Atque exquisitum feruebat nigma per auram;
 Aurea bissina tantum stant gausape uasa,
 Et pigmentatus crateras bacchus adornat;
 Illicit ad haustum species dulcedoque potus:
 325 Vualtharius cunctos ad uinum hortatur et escam.
 Postquam epulis depulsa fames sublataque mensa,
 Heros iam dictus dominum laetanter adorsus
 Inquit: In hoc rogo clarescat gratia uestra,
 Vt uos in primis, reliquos tunc laetificetis.
 330 Et simul in uerbo nappam dedit arte peractam,
 Ordine sculpturae referentem gesta priorum.
 Quam rex accipiens haustu uacuauerat uno,
 Confestimque iuuet reliquos imitarius omnes.
 Otius accurrunt pincernae, moxque recurrunt:
 335 Pocula plena dabant et inania suscipiebant;
 Hospitis ac regis certant hortatibus omnes;
 Ebrietas feruens tota dominatur in aula.
 Balbutit medio facundia fusa palato,
 Heroas ualidos plantis titubare uideres.
 340 Taliter in seram perduxit bacchica noctem
 Munera uualtharius retrahitque redire uideres;
 Donec ui potus pressi somnoque grauati
 Passim porticibus sternuntur humotenus omnes;
 Et licet ignicremis uellet dare moenia flammis
 345 Nullus qui causam potuisset scire remansit.
 Tandem dilectam uocat ad semet mulierem,
 Praeciens causas citius deferre paratas;
 Ipseque de stabulis uictorem duxit equorum,
 Ob uirtutem quem uocitauerat ille leonem.
 350 Stat sonipes ac frena ferox spumantia mandit;
 Hunc postquam phaleris solito circumdedit, ecce
 Scuria plena gazae lateri suspendit utrique,

- Atque uteri longo modicella cibaria ponit:
 Loraque uirgineae mandat fluitantia dextrae:
- 355 Ipseque lorica uestitus more gigantis
 Imposuit capiti rubras cum casside cristas,
 Ingentesque ocreis suras complectitur aureis,
 Et femur leuum ancipiti praecinxerat ense,
 Atque alio dextrum pro ritu pannoniarum.
- 360 Is tamen ex una tantum dat uulnera parte;
 Tunc hastam dextra rapiens clipeumque sinistra,
 Ceperat inuisa trepidus decedere terra.
 Foemina duxit equum nonnulla talenta gerentem;
 In manibusque simul uirgam tenet ipse columnam,
- 365 In qua piscator hamum transponit in undam,
 Vt cupiens pastum piscis deglutiat hamum.
 Namque grauatus erat uir maximus undique telis,
 Suspectamque habuit cuncto sibi tempore pugnam.
 Omni nocte quidem properabant currere, sed cum
- 370 Prima rubens terris ostendit lumina phoebus,
 In siluis latitare student, et opaca requirunt:
 Sollicitatque metus, uel per loca tuta fatigans;
 In tantumque timor muliebria pectora pulsat,
 Horreat ut cunctos aurae uentique susurros,
- 375 Formidans uolucres, collisos siue racemos.
 Hinc odium exilii, patriaeque amor incubat; inde
 Vicis diffugiunt, speciosa noualia linquunt,
 Montibus intonsis cursus ambage recuruos
 Sectantes, tremulos uariant per deuia gressus.
- 380 Ast urbis populus somno uinoque solutus,
 Ad medium lucis siluit recubando sequentis;
 Sed postquam surgunt, ductorem quique requirunt,
 Ut grates reddant ac festa laude saluent.
- Attila nempe manu caput amplexatus utraque
 385 Egreditur thalamo rex, uualthariumque dolendo,

- Aduocat ut proprium quereretur forte dolorem :
 Respondent ipsi se non potuisse ministri
 Inuenisse uirum; sed princeps sperat eundem
 Hactenus in somno tentum recubare quietvm,
 390 Occultumque locum sibi delegisse sopori.
 Ospirin hilgundem postquam cognouit abesse,
 Nec iuxta morem uestes deferre suetum,
 Tristior immensis satrapae clamoribus, inquit :
 O' detestandas quas heri sumpsimus escas !
 395 O' nimum quod pannonias destruxerat omnes !
 Quod domino regi iamdudum praescia dixi,
 Adprobat iste dies quem nos superare nequimus.
 En hodie imperii uestri cecidisse columnam
 Noscitur, en robur procul iuit et inclita uirtus !
 400 Vualtharius lux pannoniae discesserat inde,
 Hilgundem quoque mi caram deduxit alunnam !
 Iam princeps nimia succendet efferus ira,
 Mutant laetitiam merentia corda priorem.
 Ex humeris trabeam discindit ad infima totam,
 405 Et nunc huc animum celerem, nunc diuidit illuc.
 Ac uelut eloicis turbatur harena procellis,
 Sic intestinis rex fluctuat undique curis,
 Et uarium pectus uario simul ore imitatus,
 Prodidit exterius quicquid tolerauerat intus ,
 410 Iraque sermonum permisit promere nullum.
 Ipso quippe die potum fastidit et escam,
 Nec placidam menbris potuit dare cura quietem.
 Namque ubi nox rebus iam dampserat atra colores
 Decidit in lectum, uerum nec lumina clausit,
 415 Nunc latus in dextrum fultus nunc inque sinistrum;
 Ac ueluti iaculo pectus transfixus acuto,
 Palpitat, atque caput huc et mox iactitat illuc;
 Et modo subreptus fulcro consederat amens.

Nec iuuat hoc, demum surgens discurrit in urbe,
 420 Atque thorum ueniens simul attigit atque reliquit;
 Taliter insomnem consumpserat attila noctem.

At profugi comites per amica silentia euntes,
 Suspectant, properant post terga reliquere terram.
 Vix tamen erupit cras rex patribusque uocatis,
 425 Dixerat: ò si quis mihi uualtharium fugientem
 Afferat euinctum, ceu nequam forte liciscam,
 Hunc ego mox auro uestirem saepe recocto,
 Et tellure quidem stantem hinc inde onerarem,
 Atque uiam penitus clausissem uiuo talentis!

430 Sed nullus fuit in tanta regione tyrannus,
 Vel dux siue comes seu miles siue minister,
 Qui quamuis cuperet proprias ostendere uires,
 Ac uirtute sua laudem captare perennem,
 Ambiretque simul gazam infarcire cruminis.

435 Vualtharium tamen iratum praesumpserat armis
 Insequier, strictoque uirum mucrone uidere.
 Nota quidem uirtus, experti sunt quoque, quantas
 Incolumis dederit strages sine uulnere uictor,
 Nec potis est ullum rex persuadere uirorum,

440 Qui promissa uelit hac conditione talenta.
 Vualtharius fugiens, ut dixi, noctibus iuit.

Atque die saltus arbustaque densa requirens,
 Arte accersitas pariter capit arte uolucres,
 Nunc fallens uisco, nunc fisso denique ligno.

445 Ast ubi peruenit qua flumina curua fluebant,
 Inmittens hamum rapuit sub gurgite praedam,
 Atque famis pestem pepulit tolerando laborem.
 Namque fugae toto se tempore uirginis usu
 Continuit uir uualtharius laudabilis heros.

450 Ecce quaterdenos sol circumflexerat orbes,
 Ex quo panonica fuerat digressus ab urbe,

- Ipso quippe die numerum qui clauserat istum,
 Venerat ad fluuium iam uespere tum mediantem,
 Scilicet ad renum qua cursus tendit ad urbem
 455 Nomine uuormatiam regali sede nitentem.
 Illic pro naulo pisces dedit antea captos,
 Et mox transpositus graditur properanter anhelus.
 Orta dies postquam tenebras discusserat atras,
 Portitor exurgens praefatam uenit in urbem,
 460 Regalivue coco, reliquorum quippe magistro
 Detulerat pisces, quos uir dedit ille uenator.
 Hos dum pigmentis condisset et apposuisset,
 Regi gunthario miratus fatur ab alto:
 Istius ergo modi pisces mihi Francia numquam
 465 Ostendit, reor externis a finibus illos.
 Ipseque respondens narrat quod nauta dedisset.
 Accersire hominem princeps praecepit eundem.
 Et cum uenisset, de re quaesitus eadem,
 Talia dicta dedit, causamque ex ordine pandit:
 470 Vespere praeterito residebam litore rheni;
 Conspexique uiatorem propere uenientem,
 Et ueluti pugnae certum per membra paratum.
 Aere etenim penitus fuerat rex inclite cinctus,
 Gesserat et scutum gradiens hastamque coruscam.
 475 Namque uiro forti similis fuit, et licet ingens
 Asportaret onus, gressum tamen extulit acrem.
 Hunc incredibilis formae decorata nitore
 Assequitur, calcemque terit iam calce puella,
 Ipsaque robustum rexit per lora caballum,
 480 Scrinia bina quidem dorso non parua ferentem,
 Quae, dum cervicem sonipes discusserat altam,
 Atque superba cupit glomerare uolumina crurum,
 Dant sonitum, ceu quis gemmis illiserit aurum.
 Hic mihi praesentes dederat pro munere pisces.

- 485 His hagano auditis ad mensam quippe resedit.
 Laetior in medium prompsit de pectore uerbum:
 Congaudete mihi queso quia talia noui;
 Vualtharius collega meus remeauit ab hunis.
 Guntharius princeps ex hac ratione superbus
 490 Vociferatur, et omnis ei mox aula reclamat:
 Congaudete mihi iubeo quia talia noui:
 Gazam quam gibico regi transmisit eoo,
 Nunc mihi cunctipotens huc in mea regna remisit.
 Haec ait, et mensam pede perculit, exiliensque
 495 Ducere equum iubet, et sella componere sculpta,
 Atque omni de plebe uiros secum duodenos,
 Viribus insignes, animis plerumque probatos
 Legerat, inter quos simul et haganona iubebat,
 Qui memor antiquae fidei sotiique prioris,
 500 Nititur a ceptis dominum tansuertere rebus.
 Rex tamen e contra nihilominus instat et infit:
 Ne tardate uiri, praecingite corpora ferro
 Fortia, squamosus thorax iam terga recondat,
 Hic tantum gazae francis deducat ab oris!
 505 Instructi telis, nam iussio regis adurget,
 Exhibant portis, te uualtharium cupientes
 Sternere, et imbellem lucris fraudare putantes.
 Sed tamen omnimodis hagano prohibere studebat;
 At rex infelix ceptis respiscere non uult.
 510 Interea uir magnanimus de flumine pergens
 Venerat in saltum iam tum uosagum uocitatum.
 Nam nemus est ingens, spatiosum, lustra ferarum
 Plurima habens, suetum canibus resonare tubisque.
 Sunt in secessu bini montesque propinqui,
 515 Inter quos licet angustum specus extat amoenum,
 Non tellure caua factum sed uertice rupum.
 Apti quidem statio latronibus illa cruentis.

- Angulus hic uirides ac uescas gesserat herbas.
 Huc mox ut uidit iuuenis, huc inquit eamus.
 520 His iuuat in casris fessum componere corpus.
 Nam postquam fugiens auarum discesserat oris,
 Non aliter somni requiem gustauerat idem
 Quam super innexus clipeo; uix clauserat orbes.
 Bellica tum demum deponens pectora pondera, dixit,
 525 Virginis in gremium fusus: Circumspice caute,
 Hilgunt, et nebulam si tolli uideris atram
 Attactu blando me surgere commonitato.
 Et licet ingentem conspexeris ire cateruam,
 Ne excutias somno subito mi cara caueto;
 530 Nam procul hinc acies potis es transmittere puras.
 Instantem cunctam circa explora regionem.
 Haec ait, atque oculos concluderat ipse nitentes,
 Iamque diu satis optata fruitur requiete.
 Ast ubi guntharius uestigia puluere uidit,
 535 Cornipedem rapidum saeuis calcaribus urget,
 Exultansque animis, frustra sic fatur ad auras:
 Accelerate uiri iam nunc capietis euntem,
 Numquam hodie effugiet; furata talenta relinquet.
 Inclitus at hagano contra mox reddidit ista:
 540 Vnum dico tibi regum fortissime tantum;
 Si totiens tu uualtharium pugnasse uideres,
 Atque noua totiens quotiens ego caede furentem,
 Numquam tam facile spoliandum forte putares.
 Vidi pannonias acies, cum bella cierent,
 545 Contra aquilonenses siue australes regiones;
 Illic uualtharius propria uirtute choruseus,
 Hostibus inuisus, sociis mirandus obibat,
 Quisquis ei congressus erat, mox tartara uidit.
 O' rex et comites experto credite, quantus
 550 In clipeum surgat, quo turbine torqueat hastam.

- Sed cum guntharius male sana mente grauatus
 Nequaquam flecti posset, castris propiabant.
 Et procul aspiciens hilgunt de uertice montis,
 Pulvere sublato, uenientes sensit, et ipsum
 555 Vualtharium placido tactu uigilare monebat.
 Qui, caput adtollens, scrutatur si quis adiret.
 Eminus illa refert quantam uolitare phalangem.
 Ipse oculos tersos somni glaucomate purgans,
 Paulatim rigidos ferro uestiuerat artus,
 560 Atque grauem rursus parmam collegit et hastam,
 Et saliens uacuas ferro transuerberat auras:
 Et celer ad pugnam telis praelusit amaram
 Comminus ecce choruscantes mulier uidet hastas;
 Ac stupefacta nimis, hunc hic inquit habemus!
 565 In terramque cadens, effatur talia tristis:
 Obsecro mi senior gladio mea colla secentur,
 Ut quae non merui pacto thalamo sociari,
 Nullius alterius patiar consortia carnis!
 Tunc iuuenis: cruor innocuus me tinxerit, inquit;
 570 Et quo forte modo gladius potis est inimicos
 Sternere, tam fidae si nunc non parcit amicae!
 Absit quod rogitas, mentis depone pauorem:
 Qui me de uariis eduxit saepe periclis,
 Hic ualet, hic hostes credo confundere nostros.
 575 Haec ait atque oculos tollens effatur ad ipsam:
 Non adsunt auares hic sed franci nebulones
 Cultores regionis; et en galeam haganonis
 Aspicit, et noscens, iniunxit talia ridens (*vel* dicens):
 Et meus hic socius hagano collega ueternus.
 580 Hoc heros dicto introitum stationis adibat,
 Inferius stanti praedicens haec mulieri:
 Hac coram porta uerbum modo iacto superbum:
 Hinc nullus rediens uxori dicere francus

- Praesumet, se impune gazae quid tollere tantae.
 585 Haec dum sermonem compleuit, humotenus ecce
 Corruit, et ueniam petiit, quia talia dixit.
 Postquam surrexit, contemplans cautius omnes:
 Horum quos uideo nullum haganone remoto
 Suspicio: namque ille meos per proelia mores
 590 Quam didicit, tenet hic etiam sat callidus artem,
 Quam si forte uolente deo intercepero solam.
 Tunc ait: ex pugna tibi hilgunt sponsa reseruor.
 Ast ubi uualtharium tali statione receptum
 Conspexit hagano, satrapae mox ista superbo
 595 Suggestit: ó senior desiste lacessere bello
 Hunc hominem, pergant primum qui cuncta requirant,
 Et genus et patriam, nomenque locumque relictum.
 Vel si forte petat pacem sine sanguine praebens
 Thesaurum, per responsum cognoscere hominem
 600 Possumus, et si uualtharius remoratur ibidem,
 Est sapiens, forsán uestro concedat honori.
 Praecipit ire uirum cognomine rex calamonem,
 Inclita mettensi quem Francia miserat urbi
 Praefectum; qui dona ferens deuenerat illo
 605 Anteriore die, quam princeps nouerat ista.
 Qui dans frena uolat, rapidoque simillimus euro
 Transcurrit spatium campi iuuenique propinquat,
 Ac sic obstantem compellat: dic homo quisnam
 Sis, aut unde uenis, quo tandem tendere pergis.
 610 Heros magnanimus respondit talia dicens:
 Sponte tua uenias, an huc te miserit ullus,
 Scire uelim calamo. Tunc reddidit ore superbo:
 Noris guntharium regem tellure potentem
 Me misisse tuas quaesitum pergere causas?
 615 His auscultatis suggerat hoc adolescens:
 Ignoro penitus quod opus sit forte uiantis

Serutari causas; sed promere non dubitamus.

Vualtharius uocor, ex Aquitanis sum generatus,

A genitore meo modicus puer obsidis ergo,

620 Sum datus ad hunos; ibi uixi, nuncque recessi

Concupiens patriam dulcemque reuisere gentem.

Missus ad haec: tibi iam dictus per me iubet heros,

Ut cum scriniolis equidem des atque puellam;

Quod si promptus agis, uitam concedet et artus

625 Vualtharius contra fidenter protulit ista:

Stultus effatvm me non audisse sophistam

Arbitror; en memoras quid princeps nescio uel quis,

Promittat quod non retinet, nec fors retinebit.

An deus est ut iure mihi concedere possit

630 Vitam? num manibus tetigit? num carcere trusit?

Vel post terga meas torsit per uincula palmas?

At tamen ausculta: si me certamine laxat;

Aspicio ferratus adest, ad proelia uenit;

Armillas centum de rubro quippe metallo

635 Factas transmittam, quo nomen regis honorem.

Tali responso discesserat ille recepto;

Principibus narrat quid protulit atque resumpsit.

Tunc hagano ad regem: porrectam suscipe gazam,

Hac potis es decorare pater tecum comitantes;

640 Et modo de pugna palmam reuocare memento.

Ignotus tibi uualtharius et maxima uirtus.

Ut mihi praeterita portendit uisio nocte,

Non, si conserimus, nos prospera cuncta sequentur.

Visum quippe mihi te colluctarier urso,

645 Qui post confictus longos tibi mordicus unum

Crus cum poplite ad usque femur decerpserat omne,

Et mox auxilio subeuntem ac tela ferentem

Me petit, atque oculum cum dentibus eruit unum,

His animaduersis, clamat rex ille superbus:

- 650 Ut uideo genitorem imitaris hagathien ipse.
 Hic quoque perpauidam gelido sub pectore mentem
 Gesserat, et multis fastidit praelia uerbis!
 Tunc heros magnam iuste conceperat iram,
 Si tamen in dominum licitum est irascier ulli.
- 655 En ait in uestris consistent omnia telis,
 Est in conspectu quem uultis, dimicet omnis
 Comminus astatis nec iam timor impedit ullum.
 Euentum uideam, nec consors sim spoliurum.
 Dixerat et collem petiit mox ipse propinquum,
- 660 Descendensque ab equo consedit, et aspicit illo.
 Post haec guntharius calamoni praecipit aiens:
 Perge et thesaurum reddi mihi praecipe totum.
 Quod si cunctetur, scio tu uir fortis et audax,
 Congredere et bello diuictum mox spoliatum.
- 665 Ibat mettensis calamo metropolitanus,
 Uertice fulua micat cassis, de pectore torax,
 Et procul acclamans: heus audis, dixit, amice:
 Regi francorum totum trans mitte metallum,
 Si uelis ulterius uitam uel habere salutem.
- 670 Conticuit paulum uerbo fortissimus heros,
 Opperiens propius hostem aduentare ferocem.
 Aduolitans missus uocem repetiuerat istam.
 Tunc iuuenis constans responsum protulit istud:
 Quid quaeris? uel quid reddi importune coartas?
- 675 Numquid gunthario furabar talia regi?
 Aut quid pro lucro quicquam donauerat ille,
 Ut merito usuram me cogat soluere tantam?
 Num pergens ego dampna tuli uestrae regioni,
 Ut uel iniuste uidear spoliariet a te?
- 680 Si tantam inuidiam cunctis gens exhibet ista,
 Ut calcare solum nulli concedat eunti,
 Ecce, uiam mercor, regi transmittito ducentas

Armillas, pacem donet, modo bella remittens.

Haec postquam calamo percepit corde ferino:

685 Amplificabis ait donum dum scrinia pandis;

Consummare etenim sermones nō uolo cunctos,

Aut quaesita dabis, aut uitam sanguine fundes.

Sic ait; et triplicem clipeum collegit in ulnam,

Et crispans hastile micans ui nititur omni.

690 Ac iacit; at iuuenis deuitat cautiore ictum.

Hasta uolans casso tellurem uulnere mordit,

Vualtharius tandem: si sic placet, inquit, agamus.

Et simul in dictis hastam transmisit: at illa

Per leuum latus umbonis transiuit, et ecce

695 Palman qua calamo mucronem educere cepit,

Confixit femori transpungens terga caballi.

Nec mora dum uulnus sentit sonipes, furit, atque

Excutiens dorsum, sessorem sternere temptat:

Et forsan faceret, ni lancea fixa teneret.

700 Interea parmam calamo dimisit, et hastam

Complexus leua, satagit diuellere dextram.

Quod mox perspiciens, currit celeberrimus heros,

Et pede compresso, capulotenus ingerit ense,

Quem simul educens hastam de uulnere traxit.

705 Tunc equus et dominus hora cecidere sub una.

Et dum forte nepos conspexit hoc calamonis,

Filius ipsius chimo cognomine fratris,

Quem referunt quidam scaramundum nomine dictum,

Ingemit, et lacrimis compellat tristior omnes:

710 Haec me prae cunctis heu respicit actio rerum.

Nunc aut commoriar uel carum ulciscar amicum.

Namque angusta loci solum concurrere soli

Cogebant, nec quisquam alii succurrere quiuit;

Aduolat infelix scaramundus iam moriturus,

715 Bina manu lato crispans hastilia ferro.

- Qui dum uualtharium nullo terrore uideret
 Permotum, fixumque loco consistere in ipso,
 Sic ait infrendens, et equinam uertice caudam
 Concutiens: in quo fidis, uel quae tua spes est?
 720 Non ego iam gazam nec rerum quidque tuarum
 Appeto, sed uitam cognati quaero perempti.
 Ille dehinc: si conuincar quod praelia primus
 Temptarim, seu quod merui quod talia possim
 Iure pati, absque mora tua me transuerberet hasta.
 725 Nec dum sermonem concluderat en scaramundus
 Vnum de binis hastile retorsit in illum.
 Confestimque aliud, quorum celeberrimus heros
 Vnum deuicit, quatit ex umbone secundum.
 Tunc aciem gladii promens scaramundus acuti,
 730 Proruit in iuuenem cupiens proscindere frontem,
 Effrenique in equo propius deuectus ad illum
 Non ualuit capiti libratum infundere uulnus,
 Sed capulum galeae impexit: dedit illa resultans
 Tinnitus, ignemque simul transfudit ad auras.
 735 Sed non cornipedem potuit girare superbum,
 Donec uualtharius sub mentum cuspidis ictum
 Fixerat, et sella moribundum sustulit alta.
 Qui caput adtollens proprio mucrone recidens,
 Fecit cognatum pariter fluitare cruorem.
 740 Hunc ubi guntharius conspexit obisse, superbus,
 Hortatur socios pugnam reuocare furentes,
 Dicens: adgrediamur eum, nec respirare sinamus
 Donec deficiens lascescat, et inde reuinctus
 Thesauros reddet, luet et pro sanguine paenam.
 745 Tertius en uurimhardus abit, bellumque lacessit;
 Quamlibet ex longa generatus stirpe nepotum,
 O' uir clare, tuus cognatus et artus amator,
 Pandare, qui quondam iussus confundere foedus

- In medios telum torsisti primus achiuos.
- 750 Hic spernens hastam, pharetram gestauit et arcum.
 Eminus emissis haud equo Marte sagittis
 Vualtharium turbans. contra tamen ille uirilis
 Constitit opponens clipei septemplicis orbem,
 Saepius eludens uenientes prouidus ictus.
- 755 Nam modo dissiluit, parmam modo uergit in austrum,
 Telaque discussit, nullum tamen attigit illum.
 Postquam pandarides se consumpisse sagittas
 In cassum uidet, iratus mox exerit ensem,
 Et demum aduolitans, has iactitat ore loquelas:
- 760 O' si uentosos lusisti callide iactus,
 Forsan uibrantis dextrae iam percipis ictum.
 Olli uualtharius ridenti pectore adorsus:
 Iamque diu satis expecto, certamina iusto
 Pondere agi. festina, in me mora non erit ulla.
- 765 Dixerat, et toto conixus corpore ferrum
 Conicit, hasta uolans pectus reserauit equium.
 Tollit se arrectum quadripes, et calcibus auras
 Verberat, effundensque equitem, cecidit super illum,
 Accurrit iuuenis, et ei ui diripit ensem.
- 770 Casside discussa, crines complectitur albos,
 Multiplicesque preces nectenti dixerat heros:
 Talia non dudum iactabas dicta per auras.
 Haec ait, et truncum secta cervice reliquit.
- Sed non dementem tria uisa cadauera terrent
- 775 Guntharium; iubet ad mortem properare uicissim.
 En a saxonice ekturid oris generatus,
 Quartus temptauit bellum, qui pro nece facta
 Cuiusdam primatis eo diffugerat exul.
 Quem spadix gestabat equus maculis uariatus;
- 780 Hic ubi uualtharium promptum uidet esse duello,
 Dic, ait, an corpus uegetet tractabile temet,

- Siue per aerias fallas maledicta figuras.
 Saltibus assuetus faunus mihi quippe uideris.
 Illeque sublato dedit haec responsa cachinno:
 785 Celtica lingua probat te ex illa gente creatum,
 Cui natura dedit reliquos ludendo praeire;
 At si te propius uenientem dextera nostra
 Attingat, post saxonibus memorare ualebis,
 Te nunc in uosago fauni fantasma uidere.
 790 Adtemptabo quidem quid sis, ekurid ait, ac mox
 Ferratam cornum grauiter iacit: illa retorto
 Emicat amento, quam durus fregerat umbo.
 Vualtharius contra respondit cuspidē missa:
 Haec tibi siluanus transmittit munera faunus.
 795 Aspice, non magis sit telum penetrabile nostrum.
 Lancea taurino contextum tergore lignum
 Diffidit, ac tunicam scindens pulmone resedit.
 Voluitur infelix ekiurid, riuumque cruoris
 Euomit, en mortem fugiens incurrit eandem.
 800 Cuius equum iuuenis post tergum in gramen abegit.
 Tunc a gunthario clipeum sibi postulat ipsum
 Quintus ab inflato hadauuardus pectore lusus.
 Qui pergens hastam sociis dimisit habendam,
 Audax in solum confisus inaniter ensem.
 805 Et dum conspiceret, deiecta cadauera totam
 Conclusisse uiam, nec equum transire ualere,
 Desiliens parat ire pedes: stetit acer in armis
 Vualtharius, laudatque uirum qui praeiuit aequam
 Pugnandi sortem. hadauuart tum dixit ad illum:
 810 O uersute dolis ac fraudis conscie serpens!
 Occultare artus squamoso tegmine suetus,
 Ac ueluti coluber girum collectus in unum!
 Tela tot euistas tenui sine uulneris ictu,
 Atque uenenatas ludis sine more sagittas!

- 815 Numquid et iste, putas, astu uitabitur ictus,
 Quem propius stantis certo libramine mittit
 Dextra manus? neque enim is te seu uulneris auctor?
 Audi consilium, parmam deponere pictam:
 Hanc mea sors quaerit, regis quoquē sponsio praestat.
- 820 Nolo quidem laedas oculis quia complacet istis.
 Sin alias, licet et lucem mihi dēpseris almam,
 Adsunt hic plures socii carnisque propinqui,
 Qui quamuis uolucrum similes pennasque capessas,
 Te tamen immunem nunquam patientur abire.
- 825 Belliger at contra nil territus intulit ista:
 De reliquis taceo; clipeum defendere curo.
 Pro meritis, mihi crede, bonis sum debitor illi.
 Hostibus iste meis sese opposuisse solebat,
 Et pro uulneribus suscepit uulnera nostris.
- 830 Quam sit opportunus hodie mihi, cernis, et ipse
 Non cum uualthario loquereris, forsā abesset.
 Viribus o' summis hostem depromere cures,
 Dextera ne rapiat tibi propugnacula muri.
 Tu clauum umbonis studeas retinere sinistra,
- 835 Atque ebori digitos circumfer glutine fixos.
 Istic ne pōnas pondus, quod tanta uiarum
 Portasti spatia, ex auarum nam sedibus altis.
 Ille dehinc: inuitus agis, si sponte recusas.
 Nec solum parmam, sed equum cum uirgine et auro
- 840 Reddes, tum demum scelerum cruciamina pendes.
 Haec ait, et notum uagina diripit ensem.
 Inter se, uariis terrarum partibus orti,
 Concurrunt. Stupuit uosegus haec fulmina et ictus.
 Olli sublimes animis ac grandibus armis:
- 845 Hic gladio fidens, hic acer et arduus hasta,
 Inter se multa et ualida ui praelia miscent.
 Non sic nigra sonat percussa securibus ilex,

- Ut dant tinnitus galeae, clipeique resultant.
 Mirantur franci quod non lasescet heros
 850 Vualtharius, cui nulla quies spatiumue dabatur.
 Emicat hic, impune putans, iam uuormaciensis
 Alte et sublato consurgit feruidus ense,
 Hoc ictu memorans semet finire duellum.
 Prouidus at iuuenis ferientem cuspide adacta
 855 Intercepit, et ignarum dimittere ferrum
 Cogebat. procul in dumis resplenduit ensis.
 Hic, ubi se gladio spoliatum uidit amico,
 Accelerare fugam fruticesque uolebat adire.
 Alpharides fretus pedibus uiridique iuuenta
 860 Insequitur, dicens: quonam fugis? accipe scutum.
 Sic ait, atque hastam manibus leuat otius ambis,
 Et ferit; ille cadit, clipeus superintonat ingens.
 Nec tardat iuuenis; pede collum pressit, et hasta
 Diuellens parmam, telluri infixerat illum.
 865 Ipse oculos uertens animam sufflauit in auram.
 Sextus erat patarid: soror hunc germana haganonis
 Protulit ad lucem, quem dum procedere uidit,
 Vocibus et precibus conatur auunculus inde
 Flectere, proclamans: quonam ruis? aspice mortem,
 870 Qualiter arridet! desiste. en! ultima parcae
 Fila legunt. o' care nepos! te mens tua fallit.
 Desine! uualtharii tu denique uiribus impar.
 Infelix tamen ille means haec omnia spreuit;
 Arsit enim uenis laudem captare cupiscens.
 875 Tristatusque hagano suspiria pectore longa
 Traxit, et has imo fudit de corde loquelas:
 O' uortex mundi, fames insatiatus habendi,
 Gurges auaritiae, cunctorum fibra malorum!
 O' utinam solum gluttires sola metallum
 880 Diuitiasque alias, homines impune remittens!

- Sed tu nunc homines peruerso numine perfians
 Incendis, nullique suum iam sufficit; ecce
 Non trepidat mortem pro lucro incurrere turpem.
 Quanto plus retinent, tanto sitis ardet habendi.
- 885 Externis modo ui, modo furtiue potiuntur;
 Et, quod plus renouat gemitus, lacrimasque ciebis,
 Caeligenas animas erebi fornace retrudunt.
 Ecce, ego dilectum nequeo reuocare nepotem;
 Instimulatus enim de te est, o' saeva cupido.
- 890 En caecus mortem properat gustare nefandam,
 Et uili pro laude cupit descendere ad umbras.
 Heiuc mi care nepos, quid matri perditte mandas?
 Quis nuper ductam refouebit, care, maritam,
 Cui nec rapta spei pueri ludicra dedisti?
- 895 Quis tibi nam furor est? unde haec dementia uenit?
 Sic ait, et gremium lacrimis conspersit obortis,
 Et longum, formose, uale! singultibus edit.
 Vualtharius licet a longe socium fore mestum
 Adtendit, clamorque simul peruenit ad aures,
- 900 Vnde incursantem sic est affatus equestrem:
 Accipe consilium, iuuenis clarissime, nostrum,
 Et te conseruans, melioribus utere fatis.
 Desine; nam tua te feruens fiducia fallit;
 Heroum tot cerne neces, et caede duello,
- 905 Ne suprema uidens, hostes facias mihi plures.
 Quid de morte mea curas, ait ille, tyranne?
 Est modo pugnandum tibimet, non sermocinandum.
 Dixit, et in uerbo nodosam destinat hastam,
 Cuspide quam proprio diuertens transtulit heros,
- 910 Quae subuecta choris, ac uiribus acta furentis,
 In castrum uenit, atque pedes stetit ante puellae.
 Ipsa metu perculsa sonum prompsit muliebrem.
 At postquam tenuis rexit in praecordia sanguis,

- Paulum suspiciens, spectat, num uiueret heros.
 915 Tum quoque uir fortis francum discedere bello
 Iussit, at ille furens gladium nudauit, et ipsum
 Incurrrens petiit, uulnusque a uertice librat.
 Alpharides parmam demum concusserrat aptam,
 Et spumantis apri frendens de more tacebat.
 920 Ille ferire uolens, se pronior omnis ad ictum
 Exposuit; sed uualtharius sub tegmine flexus
 Delituit, corpusque suum contraxit, et ecce
 Vulnere delusus iuuenis recidebat ineptus.
 Finis erat; nisi quod genibus tellure refixis
 925 Belliger accubuit, calibemque sub orbe cauebat.
 Hic dum consurgit, pariter se subrigit ipse,
 Ac citius scutum trepidus sibi praetulit, atque
 Frustra certamen reuocare parabat: at illum
 Alpharides fixa gladio petit ocus hasta
 930 Et mediam clipei dempsit uasto impete partem,
 Hamatam resecans loricam, atque ilia nudans:
 Labitur infelix pataurid sua uiscera cernens,
 Siluestrique ferae corpus, animam dedit orco.
 Hunc sese ulturum spondens geruuintus adiuit;
 935 Qui forti subuectus equo supra uolat omnem
 Stragem; quae angustam concluderat obuia callem.
 Et dum bellipotens recidisset colla iacentis,
 Venit, et ancipitem uibrauit in ora bipennem.
 Istius ergo modi francis tunc arma fuere.
 940 Vir celer obiecit peltam, frustraui et ictum;
 Ac retro saliens hastam rapiebat amicam,
 Sanguineumque ulua uiridi dimiserat ensem.
 Hic uero metuenda uirum tum bella uideres.
 Sermo quidem nullus fuit inter martia tela,
 945 Sic erat aduerso mens horum intenta duello.
 Is furit, ut caesos mundet uindicta sodales;

- Ille studet uitam toto defendere nisu,
 Et si fors dederit, palmam retinere triumphi.
 Hic ferit, ille cauet, petit iste, flectitur ille;
 950 Ad studium fors et uirtus miscentur in unum.
 Longa tamen cuspis breuiori depulit hostem
 Armatum telo, girat sed et ille caballum,
 Atque fatigatum cupiebat fallere hominem.
 Iam magis atque magis irarum mole grauatus
 955 Vualtharius clipeum keruuiti sustulit imum,
 Transmissoque femur penetrauerat inguine ferrum.
 Qui post terga ruens clamorem prodidit atrum,
 Exiuitque dolens, pulsabat calcibus aruum.
 Tunc etiam truncum caesa ceruice reliquit.
 960 Idem uuormaciae campis comes extitit ante.
 Tum primum franci ceperunt forte morari,
 Et magnis precibus dominum decedere pugna
 Deposcut, furit ille miser caecusque profatur:
 Queso uiri fortes et pectora saepe, probata,
 965 Ne fors haec cuicumque metum, sed conferat iram.
 Quid mihi, si uosago sic sic inglorius ibo?
 Mentem quisque meam sibi uendicet: en ego partus
 Ante mori sum, uormatiam quam talibus actis
 Ingrediar. petat hic patriam sine sanguine uictor?
 970 Hactenus arsisit hominem spoliare metallis:
 Nunc ardete, uiri, fusum mundare cruorem,
 Et mors abstergat mortem, sanguis quoque sanguem,
 Soleturque necem sotiorum plaga necantis.
 His animum dictis demens incendit, et omnis
 975 Fecerat immemores uitae simul atque salutis,
 Ac uelut in ludis alium praecurrere quisque
 Ad mortem studuit; sed semita, ut antea dixi,
 Cogebat binos bello decernere solos.
 Uir tamen illustris, dum cunctari uidet illos,

- 980 Vertice distractas suspendit in arbore cristas,
 Et uentum captans sudorem tersit anhelus.
 Ecce, repentino randolf athleta caballo,
 Praeuertens reliquos, hunc importunus adivit;
 Ac mox ferrato petiit sub pectore conto.
- 985 Et nisi duratis uiuelandia fabrica giris
 Obstaret, spisso penetrauerit ilia ligno.
 Ille tamen, subito stupefactus corde *) pauore,
 Munimen clipei obiecit, mentemque recepit;
 Nec tamen et galeam fuerat sumpsisse facultas.
- 990 Francus at emissa gladium nudauerat hasta;
 Et feriens, binos aquitani uertice crines
 Abrasit, sed forte cutem praestringere summam
 Non licuit, cursuque alium uibrauerat ictum;
 Et praeceps animi directo obstamine scuti
- 995 Impegit chalibem, nec quiuiribus ullis
 Elicere, alphas retro se, fulminis instar,
 Excutiens, francum ualida ui fudit ad aruum,
 Et, super adsistens, pectus conculcat, et inquit:
 En pro caluitio capitis te uertice fraudo.
- 1000 Ne fiat ista tuae de me iactantia sponsae.
 Vix effatus haec, truncauit colla precantis.
 At nonus pugnae helmmod successit, et ipse
 Insertum triplici gestabat fune tridentem,
 Quem post terga quidem sotii stantes tenuerunt:
- 1005 Consiliumque fuit, dum cuspis missa sederet
 In clipeo, cuncti pariter traxisse studerent,
 Vt uel sic hominem deiecissent furibundum,
 Atque sub hac certum sibi spe posuere triumphum.
 Nec mora; dux, totas fundens in brachia uires,
- 1010 Misit in aduersum magna cum uoce tridentem,

^a
 *) In codice Bruxellensi: corde.

- Edicens: ferro tibi finis, calue, sub isto.
 Qui uentos penetrans, iaculorum more choruscat;
 Quod genus aspidis ex alta sese arbore, tanto
 Turbine demittit, quo cuncta obstantia uincat?
- 1015 Quid moror? umbonem sciderat, peltaque resedit.
 Clamorem franci tollunt, saltusque resultat;
 Obnixique trahunt restim simul atque uicissim,
 Nec dubitat princeps tali se aptare labori.
 Manarunt cunctis sudoris flumina menbris.
- 1020 Sed tamen haec inter uelut aesculus astitit heros,
 Quae non plus petit astra comis, quam tartara fibris
 Contempnens omnes uentorum, immota, fragores.
 Certabant hostes, hartabanturque uiritim;
 Et si non quirent ipsum detrudere ad aruum,
- 1025 Munimen clipei saltem extorquere studerent.
 Quo dempto uiuus facile caperetur ab ipsis.
 Nomina quae restant edicam iamque trahentum.
 Nonus heleutir erat, helmnod cognomine dictus.
 Argentina quidem decimum dant oppida trogum:
- 1030 Extulit undecimum pollens urbs spira tanastum;
 Absque haganone locum rex suppleuit duodenum.
 Quatuor hi aduersum summis conatibus unum
 Contendunt pariter multo uarioque tumultu.
 Interea alpharidi uanus labor incutit iram,
- 1035 Et qui iampridem nudarat casside frontem,
 In framea tunicaque simul confusus aena,
 Obmisit parmam, primumque inuasit eleuthrin.
 Hin, galeam findens, cerebrum diffudit, et ipsam
 Ceruicem resecans, pectus patefecit; at aegrum
- 1040 Cor pulsans animam liquit mox atque calorem.
 Inde petit trogum haerentem sub fune nefando.
 Qui subito attonitus recidentis morte sodalis,
 Horribilique hostis conspectu, ceperat acrem

- Nequiquam temptare fugam, uoluitque relicta
 1045 Arma recolligere, ut rursum repararet agonem.
 Nam cuncti funem tracturi, deposuerunt
 Hastas cum clipeis. sed quanto maximus heros
 Fortior extiterat, tanto fuit otior olli,
 Et cursu capto suras mucrone recidit,
 1050 Ac si tardatum praeuenit et abstulit eius
 Scutum. sed trogus, quamuis de uulnere lassus,
 - Mente tamen feruens, saxum circumspicit ingens,
 Quod rapiens, subito obnixum contorsit in hostem,
 Et proprium a summo clipeum fidit usque deorsum;
 1055 Sed retinet fractum pellis superaddita lignum.
 Moxque genu posito, uiridem uacuauerat aedem,
 Atque ardens animis uibratu terruit auras.
 Et si non quiuit uirtutem ostendere factis,
 Corde tamen habitum patefecit et ore uirilem.
 1060 Nec manes sidere uidens, audaciter inquit:
 O' mihi si clipeus, uel si modo adesset amicus!
 Fors tibi uictoriam de me, non inclita uirtus
 Contulit, ad scutum mucronem tollito nostrum!
 Tum quoque subridens: uenio iam, dixerat heros,
 1065 Et cursu aduolitans dextram ferientis ademit.
 Sed cum athleta ictum libaret ab aure secundum,
 Vergentique animae ualuas aperire studeret;
 Ecce, tanastus adest, telis cum rege resumptis,
 Et sotium obiecta protexit uulnere pelta.
 1070 Hinc indignatus iram conuertit in ipsum
 Vualtharius, humerumque eius de cardine uellit.
 Perque latus ducto suffudit uiscera ferro.
 Aue procumbens submurmurat ore tanastus.
 Quo recidente preces contempsit promere trogus,
 1075 Coniunctisque sui uictorem incendit*) armis;

*) In cod. Brux.: et excidisse uidetur, teste spatio derelicto.

Seu uirtute animi, seu desperauerat. exin
 Alpharides, morere, inquit, et luci sub tartara transfer;
 Enarrans sotiis, quod tu sis ultus eosdem.
 His dictis, torquem collo circumdedit aureum.

1080 Ecce simul caesi uoluuntur puluere amici,
 Crebris foedatum ferientis calcibus aruum.

His rex infelix uisis suspirat, et omni
 Aufugiens studio, phalerati terga caballi
 Scandit, et ad mestvm citius haganona uolauit.

1085 Omnimodisque illum precibus flexisse satagit,
 Vt secum pergens pugnam repararet. at ille:
 Me genus infandum prohibet bellare parentum;
 Et gelidus sanguis mentem mihi ademit in armis.
 Tabescebat enim genitor dum tela nideret,

1090 Et timidus multis renuebat proelia uerbis.
 Haec dum iactasses, rex, inter te comitantes,
 Exstitit indignum nostri tibi quippe iuuamen.
 Ille recusanti precibus nihilominus instans,
 Talibus auersum satagit reuocare loquelis:

1095 Deprecor ob superos conceptvm pone furorem;
 Iram de nostra contractam decute culpa,
 Quam uita comitante domum si uenero tecum,
 Impensis tibimet benefactis diluo multis.

Nonne pudet sociis tot cognatisque propinquis

1100 Dissimulare uirum? magis, ut mihi quippe uidetur,
 Verba ualent animum quam facta nefanda mouere.
 Iustius in saeuum tumuisses mente tyrannum,
 Qui solus hodie caput infamauerat orbis.
 Non modicum patimur dampnum de caede uirorum,

1105 Dedecus at tantum superabit francia nunquam.

Antea quis fuimus suspecte sibila dantes,
 Francorum dicent exercitus, omnis ab uno.

Proh pudor! ignotum uel quo est impune necatus!

- Cupctabatur adhuc haganon, et pectore sponsam
 1110 Vualtario plerumque fidem uoluebat, et ipsam
 Euentum gestae recolebat in ordine causae.
 Supplicius tamen infelix rex institit illi,
 Cuius subnixae rogantis acumine motus,
 Erubuit, domini uultum replicabat honorem
 1115 Virtutis propriae, qui fors uilescebat inde,
 Si quocumque modo in rebus sibi parceret istis.
 Erupit tandem, et clara sic uoce refutat:
 Quo me domne uocas? quo te sequar, inclite princeps?
 Quae nequeunt fieri, spondet fiducia cordi.
 1120 Quis tam desipiens, quandoque fuisse probatur,
 Qui saltu baratrum sponte attemperat apertum.
 Nam scio uualtharium per campos sic fore acerbum,
 Vt, tali castro nec non statione locatus,
 Ingentem cuneum uelut unum temptat homullum.
 1125 Et licet huc cunctos equites simul atque pedestres
 Francia misisset, sic his, ceu fecerat istis.
 Sed quia conspicio, te plus doluisse pudore,
 Quam caedis dampno, nec sic discedere uelle;
 Compator, propriusque dolor succumbat honori
 1130 Regis, et ecce uiam conor reperire salutis,
 Quae tamen aut nusquam ostendit se, siue coactae.
 Nam propter carum, fateor tibi, domne, nepotem
 Promissam fidei normam corrumpere nollem.
 Ecce in non dubium pro te, rex, ibo periculum;
 1135 Ast hic me penitus conflictu cadere noris.
 Secedamus, eique locum praestemus eundi;
 Et positi in speculis tondamus prata caballis,
 Donec iam castrum securus deserat artum,
 Nos abiisse ratus; campos ubi calcet apertos
 1140 Insurgamus, et attonitum post terga sequamur;
 Sic aliquod uirtutis opus temptare ualemus.

- Haec mihi in ambiguis spes est certissima rebus.
 Tum pugnare potes belli si rex tibi mens est,
 Quippe fugam nobis nunquam dabit ille duobus;
 1145 At nos aut fugere, aut acrum bellare necesse est.
 Laudat consilium satrapa et complectitur illum,
 Oscilloque uirum mulcens hortatur ad ipsum;
 Insidiisque locum circumspexere sat aptum;
 Demissique ligant animalia gramine-laeto.
 1150 Interea occiduas uergebat phebuis in oras
 Ultima per notam signans uestigia tilen,
 Et cum scottigenis post terga reliquit hiberos.
 Hic postquam oceanas sensim calefecerat undas,
 Hesperus ausonidis obuertit cornua terris,
 1155 Tum secum sapiens cepit tractare satelles:
 Vtrum sub tuto per densa silentia castro
 Sisteret, an uastis heremi committeret aruis.
 Aestuat immensis curarum fluctibus, et quid
 Iam faceret sollers arguta indagine quaerit.
 1160 Solus enim haggano fuerat suspectus, et illud
 Oscillum regis subter complexibus actum.
 Ambierat prorsus quae sit sententia menti
 Hostis, et an urbem uellent remeare relictam,
 Pluribus ut sotiis per noctem forte coactis,
 1165 Primo mane parent bellum recreare nefandum:
 An solum insidias facerent, propiusque laterent.
 Terret ad haec triuiis ignoti silua meatus,
 Ne loca fortassis incurreret aspera spinis,
 Immo quippe feris, sponsamque amitteret illis.
 1170 His ita prouisi exploratisque profatur:
 En, quocumque modo respergant, hic recuba
 Donec circuiens lumen spera reddat amicum,
 Ne patriae fines dicat rex ille superbus
 Euasisse fuga, furis de more, per umbras.

- 1175 Dixit, et ecce uiam uallo praemuniit artam,
 Vndique praecisis spinis simul et paliuris;
 Quo facto, ad truncos se se conuertit, amaro
 Cum gemitu, et cuicumque suum caput applicat, atque
 Contra orientalem prostratus corpore partem,
- 1180 Ac nudum retinens ense, sic uoce profatur:
 Rerum factori, sed et omnia facta regenti,
 Nil sine permissu cuius, uel denique iusso
 Constat, ago grates, quod me defendit iniquis
 Hostilis turmae telis, nec non quoque probris.
- 1185 Deprecor ad dominum, contrata mente benignum,
 Vt qui peccantes non uult, sed perdere culpas,
 Hos in caelesti preestet mihi sede uidere.
 Qui postquam orandi finem dedit, ilico surgens,
 Sex girauit equos, et uirgis rite retortis
- 1190 Vinciit. hi tantum remanebant; nempe duobus
 Per tela absumptis, ternos rex cundhere abegit.
 His ita compositis procinctum soluit, et alte
 Ingenti fumans leuiabat pondere corpus.
 Tum mestam laeto solans affamine sponsum;
- 1195 Moxque cibum capiens, aegros recreauerat artus,
 Oppido enim lassus fuerat; clipeoque recumbens,
 Primi custodem somni iubet esse puellam,
 Ipse matutinam disponens tollere curam,
 Quae fuerat suspecta magis, tandemque quieuit.
- 1200 Ad cuius caput illa sedens solito uigilabat,
 Et dormitantes cantu patefecit ocellos.
 Ast ubi uir primum iam expergiscendo, soporem
 Ruperat, absque mora surgens dormire puellam
 Iussit, et arrepta se fulciit impiger hasta.
- 1205 Sic reliquum noctis duxit; modo quippe caballos
 Circuit, interdum auscultans uallo propiauit,
 Exoptans orbis species ac lumina reddi.

- Lucifer interea praeco scandeat olimpo,
 Dicens aprobane clarum uidet insula solem.
 1210 Hora fuit, gelidus qua terram inrorat eous.
 Aggreditur iuuenis caesos spoliariet armis
 Armorumque habitu, tunicas et caetera linquens,
 Armillas tantum cum bullis, baltea et enses,
 Loricas quoque cum galeis detraxerat ollis.
 1215 Quattuor his oneravit equos, sponsamque uocatam
 Imposuit quinto, sextum conscenderat ipse,
 Et primus uallo perrexerat ipse reuulso.
 At dum constricti penetratur semita callis,
 Circumquaque oculis explorans omnia puris,
 1220 Auribus arrectis uentos captauit et auras,
 Si uel mussantes sentiret uel gradientes,
 Siue superborum crepitantia frena uirorum,
 Seu saltem ferrata sonum daret ungula equorum.
 Postquam cuncta silere uidet, praeuertit honestas
 1225 Quadrupedes, mulierem etiam praecedere iussit,
 Scrinia gestantem comprehendens ipse caballum,
 Audet inire fugam*) consueto cinctus amictu
 Mille fere passus transcendit, et ecce puella,
 Sexus enim fragilis animo trepidare coegit,
 1230 Respiciens post terga, uidet descendere binos
 Quodam colle uiros raptim et sine more furentes; **)
 Exanguisque uirum compellat uoce sequentem:
 Dilatus iam finis adest: fuge domne! propinquant!
 Qui mox conuersus, uisos cognouit et inquit:
 1235 Incassum multos mea dextera fuderat hostes,

viam
 *) In cod. Bruxell. *fugam*.

**) In cod. Brux. in margine additum: *meantes*, cujus duae
 litterae non perspicue manu scriptae sunt. Coniicitur: *meantes*.

- Si modo supremis laus desit, dedecus adsit.
 Est satius pulchram per uulnera quaerere mortem;
 Quam solum amissis palando euadere rebus;
 Verum non adeo sunt desperanda salutis
 1240 Commoda; cernenti quondam maiora pericla.
 Aurum gestantis tute accipe lora leonis,
 Et citius pergens luto succede propinquo.
 Aut ego in ascensu montis subsistere malo,
 Euentum opperiens, aduentantesque salutans.
 1245 Obsequitur dictis virguncula clara iubentis.
 Ille celer scutum collagit et excutit hastam,
 Ignoti mores equitis temptando sub armis.
 Hunc rex incursans, comitante satellite, demens,
 Eminus affatu compellat ualde superbo:
 1250 Hostis atrox, nisu deluderis! ecce latebrae
 Protinus absistunt, ex quis de more liciscae
 Dentibus infrendens rapidis latrare solebas.
 En in propatulo, si uis, configito campo,
 Experiens finis si fors queat aequiperari
 1255 Principio, scio, fortunam mercede uocasti,
 Idcircoque fugam tempnia seu deditionem.
 Alpharides contra regi non reddidit ulla;
 Sed uelut hinc sardus alio conuertitur aiens:
 Ad te sermo mihi, Hagano, subsiste parumper.
 1260 Quid, rogo, tam fidum subito mutauit amicum?
 Vt discessurus nuper uix posse reuelli,
 Qui nostris uisus fuerat conspectibus ultro,
 Nullis nempe malis laesus nos appetat armis?
 Sperabam, fateor, de te, sed denique fallor.
 1265 Quod si de exilio redeuntem nosse ualeres,
 Ipse salutatum mihimet mox obuius ires;
 Et licet inuitum hospitii requiete foueres,
 Pacificaeque in regna patris deducere uelles:

- Sollicitusque fui quorsum tua munera ferrem.
- 1270 Namque per ignotas dixi pergens regiones:
 Francorum vereor, haganome superstite, nullam;
 Obsecro per ludos, resipiscito iam, pueriles,
 Vnanimis quibus assueti fuimusque periti,
 Et quorum cultu primos attriuerat annos.
- 1275 Inelita quonam migravit concordia nobis,
 Semper in hoste domique manens nec scandala nescens?
 Quippe tui facies patris obliuiscier egit,
 Tecum degenti mihi patria uiluit ampla.
 Numquid mente fidem abradis soepissime pactam?
- 1280 Deprecor hoc, abscede, nefas, neu bella lacessas,
 Sitque incohuiusum nobis per tempora foedus.
 Quod si consentis, iam tum ditatus abibis
 Eulogiis, rutilo umbonem complebo metallo.
 Contra quae haec*) haganu uultu haec affamina toruo
- 1285 Edidit, atque iram sic insinuauit apertam:
 Vim prius exerceas, uualthari, postque sopharis.
 Tute fidem abscideras cum memet adesse uideres,
 Et tot strauisses sotios, immoque propinquos.
 Excusare nequis, quin me tunc affore nosses.
- 1290 Cuius si faties latuit, tamen arma uidebas
 Nota satis, habituque uirum rescire ualebas
 Caetera fors tulerim, si uel dolor unus abesset.
 Unice enim carum, rutilum, blandum, praetiosum
 Carpsisti florem mucronis falce tenellum;
- 1295 Haec res est pactum quae destruxit prior alium,
 Iccirco gazam cupio pro foedere nullam.
 Sit ne tibi soli uirtus, uolo discere, in armis,
 Deque tuis manibus caedem perquiro nepotis,
 En aut oppeto, siue aliquid memorabile faxo.

*) In cod. Brux. delendum notatur.

- 1300 Dixit; et a tergo, saltu se iecit equino,
 Hoc et guntharius, nec segnior aegerat heros
 Vualtharius, cuncti pedites bellare parati.
 Stabat quisque, ac uenturo se prouidus iotu
 Praestrinxit, trepidant sub peltis martia membra.
- 1305 Hora secunda fuit, qua tres hi congregiuntur;
 Aduersus solum conspirant arma duorum.
 Primus maligeram collectis uiribus hastam
 Direxit hagano, disrupta pace. sed illam
 Turbine terribilem, tanto et stridore uolantem
- 1310 Alpharides semet cernens tolerare nequire,
 Sollers obliqui delusit tegmine scuti;
 Nam ueniens clipeo sic est ceu marmore leui
 Excussa, et collem uehementer sauciat usque
 Ad clauos infixi solo. tunc pectore magno,
- 1315 Sed modica ui fraxineum hastile superbus
 Iecit guntharius. uolitans quod adhaesit in ima
 Vualtharii parma. quam mox dum concutit ipse,
 Excidit ignauum de ligni uulnere ferrum.
 Omine quo mesti confuso pectore franci
- 1320 Mox stringunt acies, dolor est conuersus ad iras,
 Et tecti clipeis aquitanum inuadere temptant. *)
 Strenuus ille tamen ui cuspidis expulit illos,
 Atque incursantes uultu terrebat et armis.
 Hic rex guntharius ceptum meditatur ineptum,
- 1325 Scilicet ut iactam frustra terraeque relapsam,
 Ante pedes herois enim diuulsa iacebat,
 Accedens tacite furtim sustolleret hastam.
 Quandoquidem breuibus gladiatorum denique telis
 Armati nequeunt accedere comminus illi,
- 1330 Qui tam porrectum torquebat cuspidis ictum.

*) In cod. Bruxell. certant.

- Innuat ergo oculis uassum praecedere suadens,
 Cuius defensu causam supplere ualeret.
 Nec mora, progreditur hagam, ac prouocat hostem.
 Rex quoque gemmatum uaginae condidit ensem,
 1335 Expediens dextram furto actutum faciendo.
 Sed quid plura? manum propus transmisit in hastam
 Et iam comprehensam sensim substraxerat illam,
 Fortunae maiora petens, sed maximus heros,
 Vtpote qui bello semper sat prouidus esset,
 1340 Praeter et unius punctum cautissimus horae,
 Hunc inclinari cernens, absenserat actum,
 Nec tulit obstantem, sed mox hagamona reuellens.
 Denique sublato qui diuertebat ab ictu,
 Insiliit, et planta direptum hostile retentat,
 1345 Ac regem furto captum sic increpauit,
 Vt iam perculso sub cuspidе genua labarent;
 Quem quoque continuo esurienti porgeret orco,
 Ni hagam armipotens citius succurreret atque
 Obiecto dominum scuto muniret, et hosti
 1350 Nudam aciem saeui mucronis in ora tulisset.
 Sic dum uualtharius uulnus cauet, ille resurgit,
 Atque tremens stupidusque stetit, uix morte reuersus.
 Nec mora, nec requies, bellum instauratur amarum:
 Incurrunt hominem nunc ambo, nuncque uicissim;
 1355 Et dum progressu se impenderet, acrius uni,
 En de parte alia subit alter et impedit ictum.
 Haud aliter, numidus quam dum uenabitur ursus,
 Et canibus circumdatus adstat et artubus horret,
 Et caput occultans submurmurat, ac propinquant
 1360 Amplexans umbros miserum muttire coartat.
 Tunc rapidi circumlatrant hinc inde molosi
 Comminus ac dirae metuunt accedere beluae.
 Taliter in nonam conflictus fluxerat horam,

- Et triplex cunctis inerat maceratio laeti,
 1365 Terror et ipse labor bellandi, solis et ardor.
 Interea herois cepit subrepere morti
 Quiddam, qui tacito premit has sub corde loquelas:
 Si fortuna uiam non commutauerat, isti
 Vana fatigatum memet per ludicra fallunt.
 1370 Ilica et elata haganon sic uoce profatur:
 O' paliure, uires foliis, ut pungere possis,
 Tu saltando iocans, astu me ludere temptas!
 Sed iam faxo, locum propius ne accedere tardes;
 Ecce tuas scio praegrandes ostendito uires,
 1375 Me piget incassum tantos sufferre labores.
 Dixit, et exiliens, contum contorsit in ipsum:
 Qui pergens onerat clipeum dirimitque aliquantum
 Loricae, ac magno modicum de corpore strinxit;
 Denique praecipuis praecinctus fulserat armis.
 1380 At uir uualtharius, missa cum cuspide currens,
 Euaginato regem importunior ense
 Impetit, et scuto dextra de parte reuulso
 Ictum praeualidum ac mirandum fecit, eique
 Crus cum poplite adusque femur decerpserat omne.
 1385 Ille super palmam ante pedes mox concidit huius.
 Palluit exanguis domino recidente satellites.
 Alpharides spatam tollens iterato cruentam,
 Ardebat lapsa postremum infligere uulnus.
 Immemor at proprii haganon uir forte doloris
 1390 Elatum caput inclinans obiecit ad ictum.
 Extensam cohibere manum non quauerat heros;
 Sed cassis fabricata *) diu meliusque peracta
 Excipit assultum, mox et scintillat in altum,
 Cuius duritia stupefactus dissilit ensis.

*) In margine cod. Bruxell.: *vel fabre facta*.

- 1395 Proh dolor! et crepitans partim micat aëre et herbis.
 Belliger ut frameae murcatae fragmina uidit,
 Indigne tulit, ac nimia furit efferus ira,
 Impatiensque sui capulum sine pondere ferri,
 Quamlibet eximio praestaret et arte metallo,
- 1400 Protinus abiecit, monimentaue tristia spreuit:
 Qui dum forte manum iam enormiter exeruisset,
 Abstulit hanc haggano sat laetus uulnere prompto.
 In medio iactus recidebat dextera fortis
 Gentibus ac populis multis suspecta tyrannis,
- 1405 Innumerabilibus quae fulserat ante trophaeis.
 Sed uir praecipuus, nec leuis cadere gnarus,
 Sana mente potens carnis superare dolores
 Non desperauit, neque uultus concidit eius.
 Verum uulnigeram clipeo insertauerat ulnam,
- 1410 Incolumique manu mox eripuit semispatam,
 Qua dextrum cinxisse latus memorauimus illum,
 Illico uindictam capiens ex hoste seueram.
 Nam feriens, dextrum hagganoni effodit ocellum;
 Ac tempus resecans pariterque labella reuellens,
- 1415 Olli bis ternos discussit ab ore molares.
 Tali tunc ergo dirimuntur proelia facto.
 Quemque suum uulnus atque aeger anhelitus arma
 Ponere persuasit. quisnam hinc immunis abiret?
 Qua duo magnanimi heroes tam viribus aequi,
- 1420 Quam feruore animi steterant in fulmipe belli?
 Postquam finis adest insignia quemque notabant:
 Illic guntharii regis pes, palma iacebat
 Vualtharii, nec non tremulus hagganonis ocellus.
 Sic sic armillas partiti sunt auarenses!
- 1425 Consedere duo, nam tertius ille iacebat:
 Sanguinis undantem tergentes floribus amnem.
 Haec inter timidam reuocat clamore puellam

- Alpharides, ueniens quae saucia quaeque ligauit.
 His ita compositis, sponsus praecepit eidem:
- 1430 Iam misceto merum haganoni et porrige primum;
 Est athleta bonus fidei si iura reseruet:
 Tum praebeto mihi, reliquis qui plus toleraui;
 Postremum uolo guntharius bibat, utpote segnis,
 Inter magnanimum, qui paruait arma uirorum,
- 1435 Et qui martis opus tepide atque eneruiter aegit.
 Obsequitur cunctis henrici filia uerbis.
 Francus at oblato licet arens pectore uino,
 Defer, ait, prius alpharidi sponso ac seniori,
 Virgo, tuo, quoniam fateor me fortior ille est,
- 1440 Nec solum me sed cunctos superminet armis.
 Hic tandem hagano spinosus, et ipse aquitanus
 Mentibus inuicti, licet omni corpore lassi,
 Post uarios pugnae strepitus ictusque tremendos,
 Inter pocula scurrili certamine ludunt.
- 1445 Francus ait: iam dehinc ceruos agitabis, amice,
 Quorum de corio uuantis sine fine fruaris:
 At dextrum moneo tenera lanugine comple,
 Vt causae ignaros palmae sub imagine fallas.
 Vuah! sed quid dicis, quod ritu infringere gentis,
- 1450 Ac dextro femori gladium agglomerare uideris,
 Vxorique tuae, si quando ea cura subintrat,
 Peruerso amplexu circumdabis euge sinistra?
 Iam quid demoror? en posthac tibi quicquid agendum est,
 Leua manus faciet, cui uualthare talia reddit:
- 1455 Cur tam prosilias admiror lusce sicamber,
 Si uenor ceruos, carnem uitabis aprinam:
 Ex hoc tu famulis iam suspectando uidebis
 Heroum turbas transuersa tuendo salutans.
 Sed memor antiquae fidei tibi consiliabor:
- 1460 Iam si quando domum uenias laribusque propinques,

Effice lardatam de multra farreque pultam,
Haec pariter uictvm tibi conferet atque medelam.

Hic dictis pactum renouant iterato coactum:

Atque simul regem tollentes ualde dolentem.

1465 Imponunt equiti, et sic disiecti redierunt

Franci uuormatiam, patriamque aquitanus adiuit.

Illic gratifice magno susceptus honore,

Publica hiltgundi fecit sponsalia rite;

Omnibus et carus, post mortem obitumque parentis,

1470 Rexit terdenis populum feliciter annis.

Qualia bella dehinc uel quantos soepe triumphos

Ceperit, ecce stilus renuit signare retunsus.

Haec quicumque legis stridenti ignosce cicadae:

Raucellam nec adhuc uocem perpende, sed aeuum,

1475 Vtpote quae nidis nec dum petit alta relictis.

Haec est uualtharii poësis. vos saluet IHS.

TERMINAT LIBER DVORVM SODALIVM WALTHARII ET HAGANONIS.

